

慕亭集

卷之一

5563.8
4042.2

v.1

共六



DHEW

慕亭先生文集目錄

卷之一

詩

謹次朱子雲谷卜居韻

用胡五峰貧病示學者韻呈霽谷從兄亨秀

輓九峰金公鵬運

讀心經

謹次柳下周世大溪周禎北亭宗周諸族父

冬至韻

讀鄭石門先生詩集

奉次葛川金丈

熙周

贈別韻

謹次東園金丈

羲壽

丹谷新居韻

讀好古窩柳丈

徽文

金剛山雜詠

辛巳孟秋設文會于臨清閣時值旣望沽酒

泛前川呼韻得舟字各賦一二章使宗君

景涵

璜

藏之巾篋以備吾門故事二首

呈霞溪李丈

家淳

是年是月卽某年某月之一周甲臣民痛冤

可容言哉同鄉人入州校奉審傳教有

感而作

敬次退陶先生東齋感事九絕以志東林寓

懷

到丹陽拜霞翁

五日陪霞翁及從兄易侯公

學秀

登二樂樓

次板上韻

敬次退陶先生龜潭韻

竹嶺途中謹次易侯從兄吟示

北亭重修後鄭丈

之洛

適至東里兄拈先稿

中韻共賦

陶淵

次松亭板上韻

寄贈金啓魯

鎮宇

琴臺新寓

謹次武夷權歌

并序

謹次玉山九曲歌

謹次陶山九曲歌

次廣瀨李文

野淳

續陶山九曲歌

并序

次李供奉紫極宮感秋詩

并序

輓彥陽族叔

周彥

白雲亭次主人金景述

祖壽

重修韻

次白雲亭板上韻

蔡參判弘遠次鳴玉臺退陶先生板上韻求

和有作時刊樊巖集于鳳停寺

贈別黃生道敬浩一并序

伴鷗亭次忘軒先生韻并小序

以青藜杖呈谷泉函丈下因作歌以壽之

清涼途中次霞溪丈韻

上文殊庵玩月

白雲庵遺址

登金生窟

與李深父彙濬次孤山亭板上韻

慕亭吟

謹次霞溪丈寄題慕亭韻

謹次江卑柳丈尋春會話韻

贈金會極鎮屋及族孫瑾

次權南谷尚吉丙子斥和時詠懷韻

留川上追次立春韻奉和金德元鎮坤幼徵

九壽諸益

謹次錦陽築壇韻

敬次五老臺韻

次廣瀨李文仙倉韻

五月十一日宿東洛書院

次清道考巖亭韻

才峽歸路與裴景翊

翰周

聯鑣至琴易堂被

苦挽留宿奉玩古蹟不勝感歎錄此以示

主人

謹次月梧草舍韻

霽山金先生輓

緬禮時

過江亭有感易侯從兄

謹次歸來亭板上韻

輓葛川金公

敬次谷泉書齋題詠

謹次鳬魚軒板上韻

謹次石門亭板上韻

次伊溪龍巖亭韻

輓壺谷柳公範休 緬禮時 三首

輓廣瀨李公四首

輓魯庵鄭公必奎

輓上舍宗叔穆如周甫

輓權穉成繼

陶谷道中吟示族弟一秀

次徐承輔集勝亭感懷韻

卷之二

詩

永川朝陽閣謹次圃隱先生韻

謁臨臯書院伏次
御題板上韻

次橫溪玉澗亭韻

葛庵李先生輓
遷厝時

旂山會校大溪集次集中韻示諸生

謹次蠖圃兄
秉秀種樹三律

輓好古窩柳公

輓新野李公仁行

輓李琴坡鼎秉

輓江皋柳公七絕

輓柳彝好懿睦 四首

輓蠖圃族兄二首

山居感興十二律象十二月效康節體

輓遜窩李文祥發

輓悠悠軒金文鎮國

輓思軒鄭公來成

琴坡李公儀床已撤愴感深公之胤公默

義祥 出示三朝 御筆及御賜玉燈因有

感而作

登笑蓉臺

登謙庵亭

登玉淵亭

輓柳伯孝

致孝 二首

登草澗亭

輓文泉金公

熙紹

閑坐讀書深有所契喜而賦之

松石庵會校適庵集柳耳仲

鼎文

贈示一律

次韻以謝

謹次墨洞精舍重建韻

李晦聞

師延

再訪次鄰字韻奉呈

戊戌元日

輓鶴棲柳公

台佐

寄謝蔚山李生載權書來

寄葛山隱者

柳景學

聖文

三首

輓柳豐安君

相祚

次光風亭重建韻

輓金栗峰微遠

鑑

己亥元日

崔戚叔素履翁晉奎求詩甚勤走草謹呈

伏次王考隨樂堂韻

輓柳耳仲

三首

贈柳婿士行

進遠

要和

和贈金童子詰得

秉模小字

辛丑上元日宿廬院有感而作奉簡李揚叟

海鷹

廬院齋居謹次朱子白鹿洞韻

廬院會中復用白鹿洞韻奉示金泰叟

岱鎮

李元叔

相聖

復用前韻贈李君睦

彙寧

暮春初吉同星湖霽谷陶蒼諸老挈舟廬江

遊三笑庵舊址爲重建議也呼韻共賦

次題金表兄民則

秉壽

龍巖草廬

次龍巖亭韻

輓金貞百

度鉢

二首

輓柳星緝

敬文

謹次從先祖副提學公玄寺韻寄三從孫

璚

兼示裴性涵

善源

金贊王

在燦

諸友

奉賀柳而立

靖祚

大夫人壽席二章

次鄉序堂重修落成韻

東園翁今年八十四歲仰呈新曆一部仍成
近體一律以備新年祝詞

輓四癡窩柳公

詰祚

輓金景述

祖壽

敬次圃隱先生興國寺韻示同遊諸益

并序

又成別韻以志感懷

再會鳳亭刊所又敬次先生西樓韻

廬江聯句

次三從孫驥吉元朝韻銓小字

次玉淵亭刊所韻

輓霞溪李文

次清心臺韻贈裴性涵

柳婿來留讀易歲迫告歸不勝悵惘口呼絕

句以贈之

次贈族弟德雍邁秀

輓李伯慎中敏

四友壇記事并小序

輓權聖能載綸

次贈柳殷老

衡鎮

同柳德膺

信祚

金祈老

友善

暨齊谷兄宿鷗

亭謹次板上韻

金童子詰得金景達

浩永小字

三從孫驥吉

拈韻聯句意致可嘉足其下以勗之

贈金詰得

靜中吟

輓柳丈德老

碩祚

輓柳淳夫

道明

輓淨友軒族兄

定秀

輓張木川省伯錫愚

贈示鍾泰及璵

輓金文穉寧康壽

輓柳京老箕鎮

六月初吉以北亭集剗剗事會鷗亭留數旬

拈集中韻

次彭烈祠移建韻

輓鄭濟老仁壽

敬堂張先生輓遷厝時

輓李文光璧

次再從弟亨進

彙秀

冬至吟見示

二首

族弟德雍棲福川有書寄來述其意以三絕

答之

輓李文

崇延

四首

輓權昌燮

己酉立春日述感懷一絕示柳士行

用沈隱侯韻謹呈東園丈人行軒

二首

西岳寺用前韻

又拈七言近體一律求和

更用別韻求和

又拈七言絕句

輓金芝厓

周壽

昌老

并小序

癸卯

卷之三

疏

請葛庵先生還

賜職牒疏

書

與壺谷柳公二

答葛川金丈

別紙

答葛川金丈

與葛川金文

答葛川金文二

與新野李丈

別紙

答新野李丈

別紙

與好古窩柳丈二

別紙

與廣瀨李丈

與月梧金姑叔會運 二

與江皋柳丈

答江皋柳丈

與霞溪李丈 三

別紙

與霞溪李丈

答東園金丈 二

與東園金丈

答東園金丈

與四癡窩柳丈

卷之四

書

答柳定齋

致明

與柳定齋

二

別紙

與李致章

在齋

與權聖能

答金顯之

與金表兄民則

二

與鄭世彥

與金禹瑞

鎮龜

答金啓魯

答李仲聞

晚淑

別紙

答孫孝儀

答趙穉泉

與金聖觀

鎮華

丙申

與柳載可

厚祚

與金汝雲

龍洛

丁酉

答柳濯叟

致鵬

癸卯

答金幼徵

庚寅

與李靜父

景淵

深父

答李深父

二

乙酉

與李深父

己丑

答李深父

己亥

與金兌彥

道振

德彥

道全

答金德彥

三

別紙

與金德彥

與鄭原章

仁睦

答呂順汝

二

卷之五

書

與金泰叟

答金泰叟

別紙

答姜瑞天

與鳳亭刊所

與王淵亭刊所

答或人別紙問目

答或人禮疑問目

答金會極

答柳穉孝

字睦

與宗人元用

與廉

重默

答鄭景勳

欽寬

答金懿民

丙午

答李載權

乙未

卷之六

書

答李慎伯

己亥

別紙

與柳士行

辛丑

答柳士行論語問目

六

問目

與水北僉賢

卷之七

書

與大溪族父

二

上下庵從叔父

三

問目

與族兄儲叔

五秀 戊寅

答族兄子章

應秀 癸卯

答再從兄賢民

二

與族孫壽王

璿

答再從弟信民

允秀 二

答再從弟亨進

答再從侄景輝

庚翼

與宗君堯卿

舜善 二 戊甲

答族弟德雍

四 丙申

答金井庵讀書諸君

見秀 啓秀 樺衡

與鍾泰 丙申

與鍾泰璫 辛丑

與璫 戊戌

答璫 壬寅

答族孫璫 丙午

與族侄庭冕 戊戌

答季弟舜一 癸酉

雜著

心經說

心學圖

人心道心章註 二者雜於方寸之間

必使道心常爲一身之主

附註 道心雜出於人心之間

閑邪存誠章

附註 敬是閑邪之道

常言旣信常行旣謹

敬義章附註 知其小也思無邪無不敬

敬義夾持

小註 不誠之本

敬譬如鏡

懲忿章附註 遽忘其怒

遷善章附註 做得一事強我

顏淵問仁章附註 其中動而七情出

纔克去便能復禮

小註 箕子陳洪範五事云云

仲弓問仁章附註 惟慎獨 儼若思

中庸戒慎恐懼章附註 目須見耳須聞

小註 蓋謂凡學者

正心修身章 視而不見聽而不聞

小註 隨其分限應去

當以己心爲嚴師

若不降服得

纔學便做聖人

都不理會我底

更不教做却做什么事

思其所以然之故

孟子人皆有不忍人之心章註 人之性

情

心之體用

赤子心章附註 聖人之心

附註 如睡一覺起來依前無狀

小註 人有四百四病

寄寓在一箇形象

盍若行之止且靜坐

亦是他見人要多慮

根本上理會

事爲之主止主於敬

周流無窮而不滯一隅

動之不能無靜止動之不可不察

仁人心章

註 心譬如穀種云云

無名之脂章附註 不能充其類

兼所愛章附註 流爲一物斯爲可賤

人之所以成身而通乎天地

均是人也章註 此二者所以二當作三

魚我所欲章末小註 良心本心

鷄鳴而起章附註 董仲舒云云

小註 博文約之功有所施

賊行之亦是路

曰利雖在己之事皆爲人云云

人人失其所好

將來斬斷便沒事

不要人學寫字作詩文

分數勝己下底

養心說章附註 實體安固實流行

卷之八

雜著

陰降陽升說

心無出入說

慎獨說

火生金說

重論寡慾無慾說

寡慾無慾辨

理氣先後辨

未發之中辨

中庸鬼神章實理實氣辨

奇高峰四七辨總論劄疑

人心道心圖

中庸四圖

自警十條

丙子書塾諭諸生

通密州校院文

呈繡衣文

序

林庄世稿序

尚友軒遺集序

思容寶鑑序

四箴集說序

潛叟詩稿序

再從弟文民字序

贈族弟德雍南遊詩序

卷之九

記

撫松亭記

敬亭記

松亭記

畏庵記

權孝子兩世旌閣記

安寓窩記

緘齋記

跋

退書百選跋

金懼齋實記跋

曲城世稿後識

李子書節要後識

義楔案識

歲銘要訣後識

謹書龜湖公遺誠詩後

字辭

再從弟佑民字辭

李養天復浩字辭

族曾孫大而字辭

柳士行字辭

贊

大學贊

銘

自警銘

上樑文

明湖書院講堂上樑文

慕亭上樑文

祝文

谷泉書堂山神祝文

退溪先生文集重刊後告由文

明溪書院移奉時告由文

祭文

祭敬堂張先生文

祭壺谷柳公文

祭葛川金公文

祭新野李公文

祭好古窩柳公文

祭草草庵李公文

祭琴坡李公文

祭谷口柳公文

祭霞溪李公文

卷之十

祭文

祭四癡窩柳公文

祭月梧金公文

祭下庵從叔父文

祭蠖圃族兄文

祭從兄易侯公文

祭姊兄柳萬凝致一文

祭族兄淨友軒公文

祭族孫現文

祭族孫瑾文

祭再從姪庭岳文

祭從叔母孺人永陽李氏文

哀辭

權漢字東奎哀辭

鄭元可哀辭

金大叟

來壽

哀辭

墓誌銘

族孫秀才瑾墓誌銘

墓表

祖考桐湖府君墓表

壙誌

族孫秀才現壙誌

壙記

先妣孺人安東權氏壙記

行狀

通德郎權公行狀

商山處士李公行狀

月梧處士金公行狀

卷之十一

行狀

通訓大夫司憲府持平大溪李公行狀

弘文館副提學李公行狀

尚友處士李公行錄

成均進士下庵公行錄

遺事

贈通政大夫吏曹參議行通訓大夫刑曹佐郎臨清府君遺事

朝散大夫禮賓別提伴鷗亭府君遺事

嘉善大夫同知中樞府事博山府君遺事

宣教郎府君遺事

先考成均生員府君遺事

卷之十二

附錄

輓詞

祭文

行狀

墓碣銘

慕亭先生文集目錄終

慕亭先生文集卷之一

詩

謹用朱夫子雲谷卜居韻

少小志古道蹉過廿六秋素乏經濟具只愛林園幽
近卜東郊上薄庄連數疇桑柘列成行茅茨小如舟
飲啄愜野性此外復何求老農來相問慙懃爲我謀
閑來時載酒阡陌相追遊散步宜林下長嘯可隴頭
樵雲北山趾釣月南河流存心戒外馳反躬思自修
更恐忝家訓詩禮是箕裘永有百年樂而無一朝憂

次胡五峰貧病示學者韻呈霽谷從兄

亨秀

無多日月覺頽侵可笑從前太枉尋志倦四方思屏
伏眼窮千古蹟幽深忍飢熟處真工在主靜觀來衆
理森歎息斯文淪喪久瑤徽誰與理遺音

右述交警之意

人間萬事苦相侵家計終難靜界尋郊外詞仙何日
返夢中春草小塘深同心早托金蘭契種德偏憐玉
樹森安得山齋携白笈終宵長伴讀書音

右叙久阻之懷

輓金九峰

鵬運

幽蘭生谷底夫子襲芳馨寶匣遙傳響名刀更發矧
明時違素志方策送餘齡窮理抽關鍵論文辨渭涇
門前寒水月天上少微星至行看常棣真工驗守瓶

天臨居屋漏雲卧掩山扃素履元家法斯文獨典型
願從賢子第遊學好門庭吾黨公私痛無人醉夢醒

讀心經

次康節打乖吟

萬善元來備此身重磨古鏡淨無塵
舜心跖性初何異天則民彝也不貧
一氣清明升皦日四端噓茁藹和春
邇來方識吾家路歸作心經卷裏人

謹次柳下

周世

大溪

周禎

北亭

宗周

諸族父

冬至韻

萬事關他造化兒身親經歷是真知
幾年阮籍悲窮道今日王良欲範馳
莫說鵬程千里濶還慚鳳穴一

毛奇歸來野外尋家計敢把吾心屋漏欺

閉戶看書或課兒不教名姓世人知升沈有數安愚
分操捨無時戒外馳志業始知難究竟文章何必貴
新奇吾家日用如裘褐莫把空言但自欺

陽生子半只些兒萬化機緘此可知巨壑龍潛雷戶
闢寒牕烏翥日輪馳天時迭代推消長物象分明玩
耦奇默驗吾身都是易誰將儂佻謾成欺

堪愧吳中刮目兒願從新歲長新知閉關息旅思潛
養絕利防微戒坐馳終日惜陰宜不息前程努力詎
無奇修身補過思无悔三字屏山匪我欺

沂水追遊六七兒風流德義後生知
教行家熟規程立盟主詞壇直轡
馳花藥經綸皆日用江山文藻故
清奇擬將拙句求箴誨披露愚衷
不敢欺

讀鄭石門先生詩集

文藻臨川宅擎天鰲柱高主敬楣
扁好愚門早薰陶故國腥羶暗荒
山彩羽鞞倜儻蹈齊海淒涼鳴楚
騷林下見一人嗚呼時不遭萬古
尊周義遺詩感檜曹

奉次葛川金文

熙周

贈別韻

戊寅

高呼天陞祝堯年遙指毗盧最上
巔蓬海仙風吹入

夢頗看塵世獨超然

時公方擬進賀仍

作金剛之遊故言

遊故言

言

言

言

言

言

言

言

言

言

言

言

謹次東園金文義壽丹谷新居韻 庚辰

古家文藻在山川
百里并鄉盡室遷
林下從今安素履
世間何事入丹田
評花譜石成真趣
耕雪樵雲任自便
山外漁舟迷去路
碧溪桃浪待明年

讀好古高柳文 徽文 金剛山雜詠

蓬海秋晴逸興催
赤城瘦骨遠崔嵬
向平家事關心少
司馬文章得力來
三十洞天仙窟宅
萬千峰月客襟懷
錦囊珠唾傳消息
鰲背雲烟滿載回

辛巳孟秋設文會于臨清閣時值旣望沽酒

泛前川呼韻得舟字各賦一二章使宗君

景涵 藏之中篋以備吾門故事 二首

晴江波浩蕩呼酒載輕舟幸值先亭會仍成既望遊
天光低遠樹人影散中流試向沙鷗問何如壬戌秋
文藻千年宅風光一葉舟我家多後進今夜又清遊
山近晴嵐滴波澄素月流歸來竹裏館噓送滿江秋

呈霞溪李丈 家淳

敬讀陶翁丹郡錄海東名勝此江山濯纓去後無人
識留待先生破秘慳 金濯纓記丹邱山水

先生去後又賢孫碧水丹山勝蹟存放棹龜潭窮遠
矚烟雲花鳥總君恩

謫居猶幸卧名山浮世升沉總不關
早晚黃麻宣室召文仙留得暫時閑

山水膏肓小子狂書牕夜夜夢仙鄉
江雲嶺樹迷千里孤負深恩愧恨長

是年是月卽某年某月之一周甲臣民痛冤
可容言哉同鄉人入州校奉審傳教有
感而作

華園松栢鎖寒烟天地無窮又某年滿紙丁寧哀
痛教嶺人今日倍潛然

秦京消息海桑翻吾祖當年獨閉門
遯世不憂人不

識一家傳受未堪言

王考桐湖府君自某年廢公車終老林下故因并有感而書

敬次退陶先生東齋感事九絕以志東林寓

懷

誰能正路範馳驅夷險窮通志不渝
飲水緼袍真樂在百年含哺老康衢

淵明窓下夢無懷
康節窩中詠打乖
曠達知非吾輩事
直從洙泗問津涯

孤露餘生寡見聞
年來功力靜中存
吾家別有單傳訣
要把身心報佛恩

端居無事日孳孳
君子防微在審幾
善利關頭分舜

蹠一生堪愧小人歸

人心危懼甚淵冰一念差時萬慾萌曾氏省三遺旨
訣英雄正大在兢兢

晨窓開卷擁爐香親對嚴師襯耿光歎息瑤徽空寶
匣俗儒何事驚詞章

程氏靈丹濟世醫昏衢秉燭路無歧上承河洛淵源
正天意分明在武夷

千古寒芝降大賢吾東淑氣孕山川晚生未獲春風
座敬對遺篇一喟然

滄洲節約用工深開卷犁然萬古心三夏東窓閑對

越蟬聲綠樹爽胸襟

到丹陽拜霞翁

三年鵬舍任棲遲
髭髮猶能勝昔時
聞道王城春

色遍驛亭花柳易前期

時國有大赦已入放秩云

翊日陪霞翁及從兄易侯公學秀登二樂樓

次板上韻

丹邱遷客是仙流
杖屨齊登近水樓
彩鳳何年巢郡閣
白鷗斜日下江洲
山圍四郡收形勝
地待諸賢闡秘幽
賤子還慚仁智樂
玉溪遺響古今愁

郡有鳳樓樓翺輝樓

退陶先生嘗宰丹山故末句寓其意

敬次退陶先生龜潭韻霞翁要余留數日作龜潭之遊而未果因

賦此以道恨意

丹郡江山擅海東鳳樓樓下峽門通峰抽玉筍明霞
外洞鎖壺天活畫中夢入三潭留後約仙遊萬里御
冷風通泉百歲誰能到九曲尋真恨未同先生本韻有靈境依

然九曲同之語故用其意

竹嶺途中謹次易侯從兄吟示

仙鄉日月好盤旋駕鶴寥天躡老仙半嶺抱琴彈一
曲海山千載憶成連

北亭重修後鄭丈之洛適至東里兄拈先稿

中韻共賦

客上溪軒報晚晴喜聞新鶯繞簷鳴家聲善繼今東
里亭號猶傳舊北平文藻百年堂宇煥德星三夜洞
天明名園有主風流勝惟願追隨杖屨行

韓文公北亭

陶淵

谷口呀然倒石湫碧潭雷盪老龍愁噴空亂沫霏微
雨走壑崩湍浙瀝秋暖日鷗眠沙上集夕陽魚戲鏡
中浮此間古有蹈東士看取朝宗萬折流

次松亭板上韻

仙區物色畫圖奇緩步沿洄綠水湄野鶴將雲來遠

出山掩見客出疎籬千年鹿洞新
罽舍一曲桐江舊釣絲南國衣冠
爭拭目更將絃誦答明時

層松老檜護仙廬萬古崇禎處士
居遯世知非羣鳥獮扶綱看得判
熊魚山薇不改殷春色籬菊堪宜
晉史書雷雨江潭空噴薄老仙超
海草堂虛

寄贈金啓魯

鎮字

琴臺新寓

三首

窈窕琴臺曲幽人獨抱琴狂生愛
古調山水許知音雅志窮來確真
工靜裏深願君守姱節同托歲寒
心泗上仙家近前冬客病吟何當
買小艇乘月去相尋

謹次武夷櫂歌

并序

著嘗讀武夷志見朱門以後諸君子之和
九曲權歌者甚盛而退陶先生每恨其未
得朱子意至於陳懼齋註說則又專以入
道階級言之竊恐詩之本意亦未必如是
故退陶之和此歌也只道尋幽選勝之意
而學問造詣之妙自見於言外此不可不
知也著不揆僭越謹綴朱退餘意亦嘗賡
和十章而不敢示人焉近聞廣瀨李文丈
詠玉山陶山退溪九曲蓋倣權歌而作也
迺於索居尋數之暇竊欲效顰先以前所

和武夷九曲者揭之於首而乃以玉山陶
山繼之噫晚出蔑學妄欲自附於古今諸
詠之後者意實有在惟我晦退兩先生續
紫陽夫子幾絕之緒於累百年之後使千
聖單傳之旨得以大行於吾東蓋其道學
淵源之正固已單的而杖屨棲息之所溪
山題品之美又今古而一軌焉則後人之
所想像興起者亦豈有先後遠近之殊哉
雖然玉山陶山在區域之內凡士之聞其
風者皆得以入其閭升其堂想見其遺芬

至若武夷一區邈在閩越累千萬里之外
雖欲輟棹於大隱屏下獲躋仁智堂上奉
以周旋於琴瑟笙簧之間其可得乎此著
所以尤有感於櫂歌而必以武夷先之也
有時月夜合諸歌歌之不自知手之舞足
之蹈況當日親炙者尤何如也因略叙所
感於中者如此云

懷仙不見武夷靈九曲寒流夢裏清百歲通泉成曠

感興言更理櫂歌聲

先生懷仙臺詩欲致武夷君○
泛舟九曲詩百歲誰復來通泉

一曲沙頭泛月艸蒼簾白露溯長川我行忽到幔亭

下衣帶風輕翳紫烟

右幔亭峰

在天柱峰下

二曲螺鬟玉女峰天然畫出曉粧容貞心不改芳華

晚日下浮雲蔽幾重

右玉女峰

在凌霄巖北

三曲招招太乙舩林間鐵笛杳千年簫簫歲暮靈芝

老浩思滄洲只自憐

先生道書詩浩思屬滄洲

右仙舩巖

在小藏峰北

四曲雲深谷口巖叢叢幽桂綠蘿縵洞天欲曙金鷄

唱秋月餘輝滿碧潭

右金鷄洞

五曲蒼厓碧澗深石門茅棟鎖雲林抱琴月下歌招

隱料得千秋擊磬心

右大隱屏

精舍在其下

六曲尋真度碧灣白雲千載掩松關茅君去後山無

主天借先生歲月閑

右小隱屏

在精舍南

七曲舷歌響石灘逢壺迢遞畫中看仙翁指掌參同

訣願乞靈丹托歲寒

右仙掌峰

在隱屏後

八曲樓巖洞府開長簾短櫂更沿洄蒙衝不費推移

力活水源逢左右來

靜春詩短櫂長簾九曲灘

右鼓樓巖

在鼓子峰前

九曲漁舟去杳然仙家花竹散平川始知極處原昭

曠元化昇真見本天

右小桃源

在碧霄洞下

謹次玉山九曲歌

聞說雞林地最靈道東千載玉溪清紫陽山色無今

古聊和長歌溯正聲

山名本紫陽故云紫陽王

一曲招招野渡舸，桑麻籬落好山川。勸君擊櫂無休

力，從此窮探紫洞烟。

先生下灘詩更勸無休擊櫂功

右谷口村

二曲轟雷撼碧峰，深湫龍卧水蒼容。興雲未作商郊

雨，潭影悠悠鎖幾重。

龍吟興雲何日作商霖

右龍湫

三曲沿洄學海舸，無邊風月幾千年。澡心浴德欽遺

躅，水色山光總帶憐。

書院在其上樓曰無邊

右洗心臺

四曲躋攀孔澗巖，昭光草木影交參。溪名正合羹牆

慕，洙泗真源溯碧潭。

右孔澗

五曲探真不厭深，至人從古愛山林。靜觀魚躍天機

活，誰識當年獨樂心。

溪亭在其上先生次武夷第五曲詩探真從古有山林又獨樂

吟巖勢溪
魚懷我顏

右觀魚臺

六曲懸流噴玉灣
谷簾隨處透重關
到頭始識仙源近
流水高山意共閑

右瀑布巖

七曲危臺頻石灘
虛明一氣箇中看
是心本似澄潭靜
秋月千年照水寒

澄心軒詩心似
澄潭靜不流

右澄心臺

八曲臺前鏡面開
滄浪歌罷更旋迴
源頭活水清無滓
肯許遊人濯足來

右濯纓臺

九曲仙區更廓然
碧山紅雨漲前川
雲收霧盡看真象
萬化同流太極天

先生詩霧盡山依舊雲收天自
如又真象豁無餘先生有太

辭極

右桃花洞

謹次陶山九曲歌

天作陶山占地靈
洛川源遠抱山清
試撐一棹尋真去
更扣滄洲欸乃聲

一曲巖頭喚客舡
百年文藻在山川
析薪論易心期遠
歸櫂江天破暮烟

右雲巖

二曲沿流入亂峰
滿天明月玉人容
江村十里探佳境
努力躋攀透幾重

右月川

三曲招招上水舡
釣鰲仙客昔何年
千秋易學東來後
衣被昭光更絕憐

右鰲潭

易東書院在其上

四曲仙亭壓巨巖
蒼松綠柳影毵毵
華山一半芳隣

近時和漁歌棹碧潭

聾聾有漁父歌先生跋

右汾川

五曲巖樓特地深
碩人過軸在山林
濯纓歌罷江湖

白光霽千秋汾道心

右濯纓潭

在天淵臺下

六曲明沙映玉灣
何人幽篴抱雲關
紫霞西望徵遺

躅分付賢孫枕漱閑

右川沙

七曲金沙漾碧灘
葛仙臺迥更回看
仙翁去後留丹

訣弟子今來石竈寒

葛仙臺在丹砂南壁先生有詩葛仙去後無丹竈弟子今成白

髮翁

右丹砂

八曲遙看翠壁開
畫中孤嶼水彎洄
藍輿幾過丹砂

峽仙鶴西湖報客來

右孤山

九曲諸峰矗矗然爭流萬壑下成川此山自是吾家
物莫把靈區付別天

先生嘗稱清涼為吾家山
別天指釋子所謂諸天

右清涼

次廣瀨李文

野淳

續陶山九曲歌

并序

廣瀨翁所定陶山九曲自雲巖至清涼而
濯纓當第五曲蓋與武夷九曲精舍所在
處吻然相合夫陶山上下一帶虹玉無非
先生杖屨之所暨題品之所經則吾知其
鴻濛剖判之初必以此箇諸形勝融結鋪
排於宣城一區者總為陶設也然竊觀先

生雜詠中凡山水之各有主而不屬陶者
皆別錄于下大君子不掠人美與衆爲善
之意於此可見不揆狂僭又近就陶山管
領中以石澗爲始巖棲爲終而凡得九曲
焉此所謂曲卽歌曲之意也雖不可以地
名其曲卽此而觀則隱然有從淺入深自
下升高之意而先生平日探真玩理之妙
不必求之此山之外矣仍用本韻賡成十
章以附前歌之下

陶社當年養性靈至今山水照人清
寄言吾黨尋真

客試聽賡歌九曲聲

浩蕩江湖月一舸仙家咫尺在汾川蘭亭勝會傳今

古人去臺空鎖暮烟

先生礪臺詩擬作蘭亭追勝會憶陪鳩杖破荒烟

右一曲石澗臺

川上危臺倚翠峰天雲當日善形容客來倚櫂寒潭

碧鏡裏溪山匝萬重

右二曲天雲臺

纓濯滄浪夜叩舷一江秋月已千年我來別有通泉

感孺子歌中孰解憐

右三曲濯纓潭

壁立江頭倚翠巖銀鱗活潑雪毛毵流行一理元昭

曠上有青天下有潭

右四曲天淵臺

谷口佳名意寄深碧溪清淺繞雲林歸山正有滄洲
趣荷簣那知孔氏心

右五曲谷口門

巖阿悄篠水回灣歲暮幽情獨閉關歌罷反招風露
冷一山叢桂道心閑

右六曲幽貞門

水月蒼蒼枕碧灘小塘清淺更堪看憐君再遇癡翁
愛灑落荷珠一鑑寒

先生詩水月
蒼蒼夜氣清

右七曲淨友塘

漁樵細徑礪邊開節友壇前更溯洄山社托根心不
改百年誰復抱琴來

右八曲節友社

山下蒙泉混混然盈科日夜赴長川此間知有靈真
宅莫道躋攀遠似天

蒙泉在
巖束

右九曲隴雲精舍

次李供奉紫極宮感秋詩

并序

古窩柳丈和李青蓮感秋詩因綴諸先輩
和什總之爲十篇不佞轉借而讀之蓋皆
年四十九而作也獨密庵先生年未及此
而猶有所和又因李季章隱侯詩語明之
夫人之撫景興感到老尤切而其隨時惕
厲之意則又豈有老少之異哉不佞今年
三十五矣妄自附於諸賢咳唾之後者誠
悔翁所謂太早計也然此已有密翁故事
矧自念學未知方寡陋無聞又安知四十

九年之有進於今日哉今觀古人年益進
德益崇而尚且傷感於時光之晚晚況於
末學庸陋乎其惜年憂學之意宜不待四
十九而後發也略道感於中者因以求教
於星湖丈人云

往哲不可見風雅被絲竹贈我一篋珠璀璨盈數掬
感此孤陋子屋漏愧幽獨悠悠過一生無異蘧廬宿
宋玉何事悲蒼尹不須卜屏山三字符端的不遠復
吾道有指南莫踵前車覆及此未遲暮努力忍到熟

輓彥陽族叔

周彥

南國英名聞世姿，匣中奇氣亘雲逵。
秋風大海鵬圖勢，看取前程萬里期。

文武全才用各優，對人揮灑筆如流。
鬼門行李平安句，洛下詞宗讓一頭。

旅宦秦京獨閉門，專城孝養頌君恩。
吏治清儉緣儒術，六載南州惠績存。

千里京城萬事悲，客燈明滅夢親闈。
立揚素志空遺恨，兄弟相看淚滿衣。

先子何年載病歸，敦宗高義後生知。
墳菴歲歲韋家會，孤露無由拜德儀。

白雲亭次主人金景述

祖壽

重修韻

漁舟催上喚長年遙望江樓映畫椽
軒壓平湖明似鏡庭深芳草疊成氈
百年繼述川前宅四座逢迎地上仙
肯構賢孫尊似海張皇勝事後人傳

次白雲亭板上韻

仙客浮槎倚岸頭主人東道對青眸
箕裘十世傳家遠花樹千門隔水稠
先輩遺芬興曠感賢孫肯構繼前休
衣冠一座催詩令先獲驪珠讓與劉

蔡參判

弘遠

次鳴玉臺退陶先生板上韻求

和有作

時刊樊巖集
于鳳亭寺

天燈山待丙寅年威鳳曾棲古寺前折桂尋真欽往
躅大東千載日星懸

躋攀努力境逾奇後學還深失路悲玉澗瑤徽空寶
匣何人更抱月明時

三槐古宅滿庭陰天日重明大相心山斗文章扶世
道百年公議證儒林

贈別黃生道敬 浩一 并小序

黃斯文道敬甫自東海徒步數百里訪不
佞於東林弊廬寡陋無聞愧無以塞其責
留一夜講中庸疑義臨行留贈五言詩一

絕平雅懇到亦可諷更用別韻一篇以謝
其意

有志擇交遊吾家識路頭滄溟夜夜月千里夢中悠
深卧郊園萬事慵碧苔無逕小朋從偶逢滄海瑰奇
士快滌平生芥滯胸樽酒家貧慚杜老草蔬誠薄似
茅容異時東道君爲主携手登臨日出峰

伴鷗亭次忘軒先生韻

并小序

季夏初村中老少諸夫人會江亭年八十
至五十以上十餘人余與從兄及仲燁各
奉慈闈隨後而進甚勝事也仍記忘軒先

生集中云戊午暮春同諸父諸昆季陪王
母及慈闈獻觴于湖邊王母卽我先祖參
判公配貞夫人李氏而時年七十七矣追
想當時勝集有若符契於數百年之後此
豈易得哉遂謹次忘軒韻以續吾家故事
南岸移舟畫閣飛江山氣色倍清奇城塵遠隔芳洲
外潦水初平積雨時彩舞翩翩歌燕喜華筵秩秩見
威儀仙桃更結三千歲却憶湖邊獻壽危

以青藜杖呈谷泉函丈下因作歌以壽之

君不見太乙仙人杖青藜脫巾露髮凌空虛仙人在

天司下土有草青青生我圃老圃日日勤培植一枝
帶來靈春色用之扶老輕且堅往壽谷泉平地仙平
地仙翁物外蛻坐享春秋八千歲曳杖出門諸子隨
登山臨水任所之九節靈壽何足比用舍行藏吾與
爾更願時時臨弊廬吹火照我床頭書

清涼道中次霞溪文韻

乙酉四月十一日因
事往溪上留一日約

李靜父深父昆仲遊清涼
到博石村琴友正觀從之

霞外孤標掛半天壯遊今日學飛仙沿江十里靈源
近夫子家山宇宙傳

上文殊菴玩月

穿林跨壑上禪宮山野寥寥萬境空雲樹玲瓏迎霽
月石臺迢遞御泠風天慳造化無窮處人在鴻濛未
判中坐久憑欄清不寐玉簫聲裏喚仙翁

玉簫峰名喚仙臺名

白雲菴遺址

退陶先生嘗讀書于此

居僧指點白雲墟夫子當年此讀書興國千秋詩裏
感何人更起數間廬

登金生窟

巧匠工琢鏤轟轟山骨瘦石室曠而衍天然成屋靈
中有仙真居上可風雨覆晴空飄亂沫百尺懸玉溜
荒苔埋古砌何人曾結構云有金生者書法踵蒼籀

恍惚雲鳥翔光恠龍蛇走抱藝遊方外冥棲在巖竇
我來探勝蹟睥睨凌宇宙戔戔卓筆峰精神宛如舊
與李深父彙濤次孤山亭板上韻
客抱瑤琴清夜過巖上白鶴知我否山水高長不見
人徙倚軒窓竚立久

慕亭吟

小屋新成大野頭白雲深處望幽宮巷連古木蒼茫
際山近寒花寂歷中登眺甄亭思不匱攀號王栢恨
無窮願言無忝先人志收拾殘篇老筆蓬
琴書十載愛東林澗飲巢居愜素心一壑漁樵安性

命四時花葉記光陰家貧菽水歸農晚地僻荆茅閑
戶深下士從今修拙法一經還勝滿籛金

謹次霞溪丈寄題慕亭韻

丙戌

萬事人間歷崎嶇天地無窮追慕深樗櫟元非棟樑
具菽水還憂貧病侵孱棄以來偏愛靜百年家計在
東林東林之上山寂歷龍頭徘徊白雲心尖峰繞簷
羅簪髻清瀨隔水鳴球琳桂樹秋風明月夜幽人獨
抱山水琴生逢大有甘飲啄擊壤康衢歌二南欣然
會意還自笑終歲無人窮巷尋翰林先生先契密珍
重文章詩以箴銜恩沒世思結草講好諸郎許斷金

眷眷說到前人事不孤嵇兒悲淚添莊誦德言心自
醉恍如侍側醇酒斟

謹次江皋柳丈

尋春

會話韻

柳丈與從叔父
來臨留數日

大方江右宅山仰百年思林壑忽生色杖屨來相隨
覲德亭聚星好賢詩詠繼不辭藍輿舉聊慰失路悲

贈金會極

鎮垣

及族孫瑾

崇蘭播芳馥郁郁生谷中坦腹王逸少刮目吳下蒙
不復宜不措寧憚百倍功愧我牛馬走年邁學未通
後生真可畏麗澤與君同

右贈會極

愛爾資性良秀出後生中顯親由稽古作聖在養蒙

且喫三斗醋寧虧一簣功苟能立志篤金石猶可通
佇看門閭大征邁玉季同

右贈瑾

次權南谷

尚吉

丙子斥和時詠懷韻

中州神器痛難收萬事終歸肉食謀海嶽增高天下
士山河猶帶龍西蕃三綱大義光爭日一疏危言凜
似秋敬讀遺篇興曠感東溟萬折淚空流

留川上追次立春韻奉示金德元

鎮坤幼徵

九壽諸益

江城病客澹忘還夜永梅窓握手歡吾輩心期言外
得故人標格句中看名區幾願芳塵躡缺畧終難勝

事完湖海他時同歲暮莫教魚鳥舊盟寒

謹次錦陽築壇韻

遼鶴仙翁擢大荒百年風雨海天茫園曾錦里收芋
栗家是并鄉敬梓桑巷裏春琴愁絕響庭前書帶想
餘香巖臺陟降今如在世事悠悠不足傷

敬次五老臺韻

柳范溪南澗東巖金
蘭谷從兄弟為五老

川水芳隣似一家寤歌相和考槃阿
藜筇出谷心期遠樵逕分山信息多
玉澗鳴琴流水響蘭亭修契惠
風和後人更續斯文會看取當年寶鑑磨

次廣瀨李文仙倉韻

近世無顧陸誰畫仙倉石蜿蜒泥龜曝點點沙雁落
羊眠與虎踞怪怪爭眩矚天公故慳秘造化誠難測
往年穿芒屨尋真快騁目心閑雲水間足徧巖厓側
賢達總寂寞至今留芳躅窮源入陶淵中有處士屋
寄語魚鳥伴與爾共取適歸來卧窮巷勝事難再得
有時月明天目送南飛鵲好事叱石翁洩破仙真宅

五月十一日宿東洛書院

以慶林事
道會于此

山似屏環水鏡明地靈慳秘待先生衣冠儼若春風
座雲木依然太古情滄海千秋朱鳥影江湖當日白
鷗盟不知巖上彷徨久努力躋攀有景行

東洛江頭夜月明
冷然衣帶爽飈生
船回遠浦通漁戶
酒進蠻樓暢客情
千里聯翩渾漫興
一方文雅幸同盟
明朝掛帆菁川去
自詫奇遊在此行

次清道考巖亭韻

稀年不廢拜親塋
歸對書窓老眼明
隴樹連雲簷外近
山泉繞砌枕邊鳴
鄉成善俗知興孝
客訪高巖易識程
他日山亭躬灑掃
莫教猿鶴見人驚

才峽歸路與裴景翊

翰周

聯鑣至琴易堂被

苦挽留宿奉玩古蹟
不勝感歎錄此以示

主人

蹇驢踏破亂山秋歸路相將兩白頭借問仙家在何處主人笑指滄江流

流水桃花恨未尋滿山秋色入楓林晚投琴易堂中宿古匣泠泠玉澗音

旨訣陶山證敬箴一家傳守勝羸金朝天舊蹟尤奇絕玉笛聲中萬古心

江湖第宅養閑情玉頰屏牖總典刑異日清心臺上杜翦燈聽話作初平

謹次月梧草舍韻

先生好笑無嗟咄梧月生涯用不竭夢入七灘嚴子

江手探千古邵翁窟山窓夜永風露寒野竈秋荒烟
火歇靜看明輝圓滿川梧臺月是秋湖月

秋江霽月上臺梧疎影明光兩不孤彈罷瑤絃知己
少携來村酒與人俱桑榆晚景書中得雲水閑情句
裏輸梧月精神於此見誰將妙筆入新圖

霽山金先生輓

緬禮時

文獻川前宅淵源海上門瑤絃鏗寶匣雲錦曬奎垣
賁飾推經術賡歌答聖恩風雲方契合川蜀忽波
翻營道携賢子湘潭吊義魂行藏同玉老知遇感豐
原道否心猶泰身危德益尊兩朝崇睿獎百歲證

公言地底微陽動先生信息存重泉如可作衰俗庶
能敦緬憶春風座空悲霽月村寒花山寂歷揮淚送
靈輶

過江亭有感易侯從兄

風流儒雅挺人豪文酒江樓壓座高回首十年人事
變不堪斜日過南阜

茅棟琴書在谷泉晚年料理匣中絃小塘春草驚殘
夢桑海人間淚惠連

謹次歸來亭板上韻

窮僻田園宰相家卜居還勝漢蕭何江山有主貽謨

足風月無邊遣興多郡閣鍾聲來遠浦水村漁火過
平沙雲仍幸守先人志花樹亭臺洛兩涯

輓葛川金公

文獻川城賁大猷一時南士望瀛洲柯亭講道淵源
正梅閣鳴琴仕學優御月三清通御座秋風萬里
起鄉愁行藏不負平生志閑界工夫在晚修

敬次谷泉書齋題詠

菟裘曾卜洞中天小屋藏修待百年室愛光明開竹
牖泉思果育玩韋編自憐朽木終拋却幸賴靈光獨
歸然文獻吾家傳受遠更看蘭玉滿庭前

謹次鳶魚軒板上韻

天淵至理講陶山上下飛潛察兩間吟弄歸來承獎
許高風蕭灑杳難攀

芳隣道義約分山亭在蒼江白石間長使後人尋往
躅一層努力更躋攀

謹次石門亭板上韻

石門奇勝畫工開慳秘千年閱劫灰付與先生粧點
好高山仰止百層臺

從師當日上淵臺珍重屏銘任繼開忠信可行蠻貊
外至今傳說海槎回

次伊溪龍巖亭韻

高架新亭水石居主人閑趣定何如晚風松桂秋深
後清夜梧桐月上初報客孤山應放鶴問漁伊水可
烹魚會看雷雨潛龍起潭影雲光自卷舒

輓壺谷柳公

範休○緬禮時

三首

箕裘南澗宅衣鉢大山門講道兼三樂窮經會一源
水壺看滢澈繩尺驗操存久大平生業推來十六言
法門衰敗日吾道失其宗巾屨歸泉下文章在篋中
秋深溪月冷春寂巷瓢空末學登門晚山樛慟不窮
高秋沙月白寂歷吊寒花大嶺風猷盡荒阡文席多

殆將詔後學重使見前和夫子終無語斯文柰若何
輓廣瀨李丈

下馬陶山入孔林水雲東望小亭深蒼厓碧澗無今
古夫子賢孫獨抱琴

招隱南山桂樹中九皋鳴鶴上天通好官不若從吾
好依舊林泉枕漱翁

聖學傳心自一家十圖端要晚工多無緣更奏雲
旒下獨抱單方古鏡磨

南國儒紳裂幅紛法家寥落痛斯文歛他光氣歸泉
下留待千秋後子雲

輓魯庵鄭丈

必奎

貞簡家中正脉傳一江秋月抱瑤絃
暮年炳燭閑工密昭代招旌素志
堅門路平常由實地德容溫粹見
真天後生請教今無地他日泉臺
願執鞭

輓上舍宗叔穆如

周甫

先祖有孝孫懇懇追遠誠齋廬
玉碑洞香火鎮山塋
嗚咽抱松栢深目通神明猶多未
了事奔走嶺湖程
一身擔夯重胡爲大命傾

夫君有大志陋彼齷齪者經濟好
手分日用優文雅
許多料理事寧止一司馬敦睦思
義庄大庇營廣廈

奈何將此意埋没九泉下

輓權穉成

微

文獻名家世德述清修博雅好風猷窮經白首終林
下寥落南山桂樹秋

雙湖明月抱瑤琴高架書樓燕坐深鎮日虛庭馴鳥
雀鶴長島短澹無心

南國今看五總龜掛牌堪作後生師默然靜處吾玄
守時有隣人問字奇

高人達觀證玄夫千古同歸造化徒南望周房仙馭
遠此生何日問迷途

陶谷道中吟示族弟一秀

源出潢池注洛東
遙遙千里浩無窮
川流有本元如是
行到滄溟始見功

次徐承輔集勝亭感懷韻

巍巍藥峰宅可徵
文獻足忠藎
輝青史胡爲竄
海曲昔在昏亂朝
秉直羣奸觸天地
入綦蕪不止賈傳哭
君子行素患何歎
長沙鵬收攬溪山
勝載之詩畫幅一
朶芙蓉秀千丈
鰲柱矗抱琴歌招
隱相從有陶陸儀
如瑞世鳳去作衝
霄鵠故老指點傳
亭臺留往躅衣被
草樹香高長山水
綠賢孫宰是邦感
舊躋巖麓

滄桑幾變遷雲雨屢翻覆石丈蒼然立猶疑拜忠肅

亭在英陽南立石之上藥峯徐忠肅公當光海朝秉直不撓為弘瞻輩所擠斥謫居寧海時英屬于寧公愛立石之勝作亭以居之公去而亭廢久矣其後孫徐使君有舍宇是縣將擬重建先亭承輔徐侯之子也

慕亭先生文集卷之一

慕亭先生文集卷之二

詩

朝陽閣謹次圃隱先生韻

雲門筇屐倦遊回更向朝陽快眼開
古國千年丹鳳去晴沙十里白鷗來
江山備述前人筆花鳥謾愁過客盃
圃老桑鄉興感慨爲賡遺什暫徘徊

謁臨臯書院伏次

御題板上韻

三首

左海日星明前朝喬嶽重凜然遺像立千載
尚欽聳箕疇東出後百歲有師宗運去天心改
明良恨未逢盛代崇儒學桑鄉一廟高三賢
同暇享多士奠香醪

次橫溪玉澗亭韻

泠泠玉澗淨無塵
亭上登臨幸有因
文藻百年餘古宅
芳陰四月又佳辰
江湖放浪尋真客
宇宙徘徊失路人
雙棣堂前花滿岸
恍然函丈襲和春

葛菴李先生輓

遷厝時

滄溟日出法門開
陶老三傳正脉來
南士皆蒙時雨化
至今山仰錦陽臺

君子行藏一險夷
白衣蒼狗古今悲
昊天不復斯文喪
花落西風鳳浴遲

旂山會校大溪集次集中韻示諸生

秉拂旂山席論詩洛社尊當年開後學今日慟衰門
南國文章古西都惠績存盟徽讀遺集字字總徽言

謹次蠖圃族兄

秉秀

種樹二律

不必靈均問卜居元來達士識盈虛豪情剌借風流
樹滋味偏深淡泊蔬芻豢從知皆義理笛畬亦復在
詩書箇中自有閑商確莫道斯翁用處疎

桃李園深卧別區閑忙人世較羸輸莫言奴橘同千
戶自愛妻梅共一株醉裏風來陶令柳吟邊月上邵
翁梧啞然俯笑紅塵客山有羊腸水有瞿

輓好古窩柳公

微文

冰壺秋月映襟袍南國當今丈席高
炳燭疾書皆至理鞭霆歷覽是真豪
規模展拓存心密步履平常著脚牢
一命循墻堅素志好將吾道付林臯

輓新野李文

仁行

三首

蹇芝道東後夫子繼前休漢士天人策
虞廷黼黻猷高名傾壁沼法語動雲旒
聖世文明會賓興仕學優

晚暮辭徵幣行藏各有時東宮真侍講
南國老宗師味道貧猶樂存心默自持
高山人共仰端的路無歧

窮居未聞道書贄晚升堂禮樂從先進文章識大方
迷津悲失路巨廈奄摧樑歎息塵箱裏摩挲寶墨香

輓琴坡李丈

鼎秉

夫子承家學勿欺以事君豸冠趨紫極鳥舄下
彤雲剛直劉忠定清寒鄭廣文東湖琴獨抱千載夢
南薰

春坊師保重白首復登瀛尚德先朝舊貤恩累
世榮耆英空惜老敦史正留名卿月山南晦乘箕上
玉京

風雨梁山夕哀傷故舊情銜恩那忍說圖報愧無誠

竟失匡床拜謾悲大廈傾異時泉壤下結草謝先生

輓江皋柳公

七絕

滾滾陶山水西流到玉淵淵源深且遠心法一家傳
夫子身爲度天生近道姿持循牢著腳端的後生師
先王崇正學林下鶴書頻晉接重雲席分憂百里
春

桂坊清望重三世翊前星仔看參耆社同朝作典
刑

休退懸車歲提撕炳燭工行藏循古道原始又要終
至人乘大化存沒極哀榮史述儒林傳碑鐫篤行瑩

晚學高山仰
黃緣奉格言
茅亭三夜後
重感尺書存

輓柳彝好懿睦

四首

河南兄弟宅
百世有淵源
進步循階級
窮探不二門
嗜學縹緲富
提躬絢錦華
澹然飢飽外
千古會心多
并世神交密
聞風講服多
吉人嗟未壽
吾道竟如何
東湖西入河
秋雨夜生波
欲往無舟楫
淒涼白露葭

輓蠖圃族兄

二首

志士懷慷慨
秋風老鋤看
少陵何太瘦
東野不堪寒
材識身名誤
文章命達難
古今歸一轍
長嘯倚騷壇
妙年豎赤幟
平地駕輕車
鋪置千間廈
牢籠萬古書

心期如許大手分未全疎有志成何事公然老弊廬

山居感興十二律象十二月效康節體

山翁非是愛吟詩詩是山翁玩景時好鳥飛花成韻
格清泉白石共襟期
窮觀萬物無非妙
陶瀉天真不取奇
把弄風光題品好
貧家富有腹中詞

山翁非是愛吟詩詩是山翁記事時
朝暮雲烟家計在
春秋花葉歲華知
量晴校雨園丁問
臨水登山社老隨
動靜以時閑
自適屈伸消息驗於斯

山翁非是愛吟詩詩是山翁詠化時
擊壤康衢皆帝力
負暄寒谷若吾私
身居草野優閑足
頭戴仁天偃

仰宜生老升平非不遇此生疎放復何爲

山翁非是愛吟詩詩是山翁感古時千聖儀文知損益一元升降驗醇醜英雄局上雲翻覆富貴門前月滿虧宇宙茫茫高著眼莫云漫浪聘虛辭

山翁非是愛吟詩詩是山翁對卷時永日香烟凝几終宵霽月入書帷掃除萬事心無累酣飫千篇腹不飢誦讀之餘游泳好時時拈句課諸兒

山翁非是愛吟詩詩是山翁玩月時幽桂叢中琴獨抱疎篁影裏榻頻移萬川昭朗真心現一室光明浩氣滋抱膝幽人清不寐此間豪興有誰知

山翁非是愛吟詩詩是山翁靜坐時尊閣陳編賢聖
對端居暗室鬼神知程門主敬斯爲本顏巷如愚自
有師心地虛閒無繫累事過之後却忘之

山翁非是愛吟詩詩是山翁獨卧時雲宿簷端林影
合泉鳴枕下雨聲疑燈花若霧看書碍房突如水就
寢遲這裏敲椎聊破寂此翁何慮又何思

山翁非是愛吟詩詩是山翁遣悶時萬事絲棼多繫
著七情波蕩互推移始知達士能齊物不使塵愁誤
上眉詩到此中偏有力樂夫天命復何疑

山翁非是愛吟詩詩是山翁養病時聲利無心成懶

拙是非於世若聾癡四休居士能安分百結先生可
樂飢浩浩長歌看白髮一生窮達我知之

山翁非是愛吟詩詩是山翁見客時空谷楚音聞便
喜殘燈雅話睡還遲琴書整暇閑商確谿壑崎嶇悵
別離珍重尊前分佩玉一般襟韻兩相思

山翁非是愛吟詩詩是山翁纂著時炳燭殘年書滿
篋杜門終日硯成池研窮義理遺忘備模寫文章玩
樂資笑殺拘儒空墨守不須留待後人知

輓李遜窩

祥發

紫海波瀾吐鳳才大東文雅正聲回早時光價傾場

屋終古文章老草萊花燭曾同王母壽仙龕留待樂
天來詞林自此無根柢南國淒涼賦八哀

輓金悠悠軒

鎮國

山南多巨閥儒雅最聞韶衣鉢傳師訓簪纓際聖
朝惟公真德器當世好風標尚綱寧修幅含珍不待
雕龍光藏寶匣鵬翼志雲霄詞動江關宅名題壁水
橋晚年登剡薦昭代見旌招謝事心期遠含飴福力
饒階庭峙鸞鵠門巷映蟬貂偕老仙桃醉繁陰古木
喬儒林方倚重朋酒競招邀正賀歌鳥藻翻驚夢鹿
蕉專城違孝養浮世厭塵囂厚善天何奪窮陰道已

消鄉鄰今寂寞人物轉蕭條
悵望城山月何時鶴返遼

輓思軒鄭公

宋成

大老陞台府光添極宿南
惟皇敷錫五當世達尊三
自是神明佑何曾俯仰慚
都俞違稷契修養學彭聃
歛跡忘榮辱怡顏享旨甘
納言封尺牘宣諭奉瓊函
雅望儒林重令名耆社叅
梧雲陪帝駕蓬院闢仙龕
閱恟高懷澹歸真大夢酣
空瞻朱鳥影搔首送鸞驂

琴坡李公儀床已撤愴感深
公之胤公默

義祥 出示 三朝御筆及 御賜王燈因

有感而作

文獻琴湖宅 三朝寶墨藏忠言鐵仗勁恩渥王燈
光好德緇衣簾遺名汗竹煌後生千古恨不及拜門
墻

登芙蓉臺

倚杖芙蓉上江山入眼多西厓夫子里南國判書家
冠蓋聯花岸樓臺列柳衙終知卜居美此地萃精華
登謙菴亭

小亭名最好謙是德之光輔世推賢第從師見大方

易名
綸綺煥虔祀荔蕉香試看南河水源流滾滾
長

登玉淵亭

玉淵明月夜遙憶玉溪琴岳峙留元氣潭澄見道心
宗祊賴再造喬木尚繁陰百歲高山仰巖阿自古今

輓柳伯孝

致孝

二首

岐陽有鳳穴幾箇羽毛奇膝著荀翁座眉良馬氏兒
質文徵世德勁直見天資去歲賓王國爭看俊彩馳
有道水壺宅追遊父子間愛君能繼述許我共躋攀
古匣瑤絃斷名門玉樹殘玄衣理莫詰揮淚送青山

登草澗亭

考槃穿澗戶伊昔碩人寬
文獻傳家遠林皋占地安
抽簪峰影合涵鏡水心寒
野老留扛筆摩挲半日看

輓金文泉

熙紹

文山松桂老秋月抱瑤徽
實踐規繩正閣修綢錦輝
從師升講席尚友下書幃
處世如臨谷持身不勝衣
清寒猶有樂恬靜自無機
門巷彙征日林泉一少微
謙冲全晚景頤養保殘暉
正賴天心佑仍看地望巍
岡陵胡耆祝鄉黨後生依
書誨愚衷發陪歡宿計違
祇今吾道喪何處老仙歸
上舍丹旌路北風雨雪霏

閑坐讀書深有所契喜而賦之

春滿江城屏伏深強將文字滌煩襟攝心漸覺沉疴
祛閑戶何憂俗累侵寶鏡重磨看本面瑤琴獨抱想
希音讀來恍若親承訓朝暮先師几案臨

松石庵會校適庵集柳耳仲

鼎文

贈示一律

次韻以謝

名勝東南得我師一旬談討儘多奇風流肯許耽詞
律節制須從揮勿旗正好初平叅共聽祗應良遂總
先知異時歸伏窮廬裏要把箴規念念持

謹次墨洞精舍重建韻

東湖秋月白誰復抱琴來振谷烟霞老名門世代催
風光回岸柳春信入江梅肯構承家學重磨古鏡開

李晦聞

師延

再訪次鄰字韻奉呈

東湖霽月上重對意中人牢落桑蓬志沉淪草野身
文章嗟老大談笑任天真江郭探梅信從今好卜隣
戊戌元日

晨起端簪策掛襟四十九四十九歲翁得年誠不偶
萬慮都消歇祝願何所有默念心內事敬向神明叩
神明爲我道曰爾前拜手爾齒衍數符爾名著德取
持此以體認名實勿相負求諸易中首庶幾無大咎

剛健則天行含弘法地厚介石貞爾躬括囊慎爾口
履道恒坦蕩謙虛中自守精義利致用講習資朋友
窮獨非所憂疾疾且順受君子修之吉可大又可久
益懋圓神德永言究年壽興言謝神惠再拜薊玄酒
我庸作春箴常目當座右

輓鶴樓柳公

台佐

先王求輔弼忠孝舊門閭華國聯雙桂傳家富五車
環林擒鳳藻玉階唱鴻臚學士登瀛日康侯錫馬
初風雲通寶座日月繡華裾頌作周清廟文論漢
石渠台躔光嶺表喬木陰村墟泣劬辭宸極懸車

返故廬江湖憂愛切廊廟老成餘進退同徵士行藏
共尚書閑居崇德業樂育進髦譽和敬扁楣在文章
篋笥儲儒林方倚重時運有乘除駕鶴三清遠乘箕
八座虛法門嗟已矣賢弟痛何如憶昔聯床日黃緣
問起居一家恩最厚千古恨空如泉壤今難作何時
舉筍輿

寄謝蔚山李生載權書來

泠泠獨抱海山琴仙鶴孤雲萬里心何日乘桴凌廣
漠碧波亭上去登臨

千里情緘眼忽開玉音遙帶海潮來盛名梁楚從何

得還愧書生老草萊

寄葛山隱者柳景學

聖文

三首

此世林居好高人卧隴雲生涯兼採釣經濟付耕耘
放火山舍闢疏泉野水分却憐飢鳳隱啄粟混鷄羣
文豪兼嗜酒塵世眼前空不飲還嫌俗能詩宣必窮
江湖多韻客伏臘共村翁但恐成疎曠尋歸陋巷中
林居何所事高拱面崔嵬照字松明藝移床筆戶開
筆研閑點綴宇宙獨徘徊空谷足音喜知應濯叟來

輓柳豐安君

相祚

南國何爲紀山林宰相尊謙冲真德器忠孝舊名門

一代風雲會 三朝雨露繁
峨冠瞻北極 華蓋聘中原
日暮蒼梧野 春深獨樂園
養病全晚節 論事耻空言
廊廟銓衡重 鄉邦領袖存
疏金分故舊 齊火舉前村
儉約同寒士 遺囑裕後昆
名傳青史筆 精返紫微垣
鶴去喬陰薄 龍亡大澤翻
千秋元振義 孤露泣私恩

次光風亭重建韻

吟弄歸來鶴老門 一山分占兩家孫
里多君子仁爲美 齋揭良箴敬所存
澄澈水壺誰復見 昭回草木尚餘痕
溪流滾滾明如鏡 尸祝千年畏壘尊

輓金粟峰徵遠

鐵

羽衣江海客泠泠絙素琴斫取焦尾桐中含太古音
曲中何所思西方五雲深聖世文明會試藝遊泮林
一箭兩俱中聲譽動青衿子裳裁雲錦子佩鳴球琳
平步上龍門玉墀戴花簪都人爭拭目如覩九苞禽
金閨與玉署朝暮擬清衙問子何以致合下名實兼
憶昔布韋日素志堅似金寒厨烟火絕破屋風雨侵
對書忘飢飽潛思惜分陰手鋤腰帶經不輟口中吟
居鰥窮益甚所處人不堪猶有好顏貌曾懷澹且恬
困亨各有時苦盡始得甘旣根能食實磨杵乃成針

利器須盤錯學優仕籍叅文宜掌周誥才合作商霖
所守一以正何曾枉尺尋權門足不近卿宰慕且欽
郵丞亦厚祿特地恩渥霑驛亭黃花節乘駟去駸
駸籃田我有事歙州惠不咸載禍誰相餉羊腸劇峴
嶽欽天地之高厚人物之洪纖依舊荒山裏蕭條數間
庵兒壯未及娶家貧無所添平生學古文書簾不盈
擔故人情懷惡聞之悲不任匪無知子者孰如我所
諳闇然絢錦章淡若醇酒酣持身惟質直接物以沖
謙清儉最可尚在官寒無衾誰能立史傳爲子闡幽
潛念到追遊跡歷歷眼中森小少貧交密幾度訪郊

南寒燈風雨夜抵掌評古今上而騁唐虞下而沿洛
瀛無書不講確無理不窮探博雅真畏友永言佩規
箴解携相思苦秋水詠蒼蘆往者釋褐初窮巷儼然
臨我言榮枯別從此隔商參子謂空踈質行藏自可
斟且將尋遂初偕君老堪巖而今丞負余約誓歸虛
談驛使無消息西望杳鸞驂誰寄一枝梅慰我卧漳
潯可惜深深土埋却好箇男也應光氣鍾復化華國
縣在玉爲琬琰在木爲榱桷不然乘萍鳥爇舉脫氛
縈羽儀朝帝京玉樓奉匱函退入蓬萊院同叅列仙
龕吾聞達觀人與化共升沈殢壽心不貳俯仰何所

慚吾衰失知已短髮白鬢鬢病違蒿里餞斜日照虛
簷欲奏峨洋曲絃絕涕淫淫題詞寄晉白後死同此
心

己亥元日

元朝扣著策大衍爲五十數從河洛起德與神明合
君子研其幾觸類用爲法嗟余老無聞年數懼不給
知命吾何敢學易時復習四十九年非追補猶可及
炳燭勗晚工杜門思自戢養氣如鷄抱存身若龍蟄
窮通是何物非僻無自入靜觀天理妙屈伸又虛翕

崔戚叔素履翁

晉奎

求詩甚勤走草謹呈

洛水西流去何時到海平順流欲從之搖搖逐風旌
匪我無舟楫未及花浪生怙悵江頭立江水去無情
門外無舊人餘生總孤露重感隱侯詩翁年亦衰暮
清臞素履翁湖海養閑身衰年猶氣力東道幾情親
飄然一筇還勝借蹄輪江亭與石門笑指楓菊辰
伏次王考隨樂堂韻

江湖三世養閑身家計清寒古逸民數架藏修慚肯
構一區邁輟感前塵庭前月印雙梧影窓外烟沉五
柳春珍重扁楣經劫火後人何處識其真

堂額即王
考手蹟而

不免於鬱攸之
災故末句云

澗飲林居托此身晚來閑作葛天民
谷泉自是吾家物瓦礫猶存往劫塵
霽月光風藏別界落花啼鳥伴殘春
先人所樂知何事隨處隨時養本真

茫茫穹壤眇然身風雨梁山泣鮮民
萬劫寰中催白髮百年林下遠紅塵
桑榆正好收餘景梅柳何曾競一春
樂處有憂憂處樂此間憂樂總吾真

屏處閑中日省身樂天安土慕先民
縱慚隻手扶門戶祇願殘生奉剝塵
歛却桑蓬四方志共成花樹一家春
臨深履薄存恒戒重感滄洲詠寫真

朱子題真詩云履薄

輓柳耳仲

三首

高山文喪後衣鉢在公家氣得水壺澄光傳寶鏡磨
咀英歸本實習靜養中和纂述書盈篋牛蠶用意多
聖代徵遺逸衡門報鶴書循牆堅素志臨澗愛先廬
老益山林好貧猶菽粟儲岐梧雙鳳隱從子願膏車
山樑抱深痛賢子又吾師蕭寺論文日茅亭玩月時
書成要訂質詩和奉箴規萬事今寥落謾添失路悲

贈柳堦士行

進遠

要和

皎皎江雪白娟娟山月明高齋起遠想誰與細論情
坦腹東床客弱冠儼老成愛爾如玉潤顧我愧冰清

一旬與之處閑聽讀書聲講覈抽關鍵持循立課程
操戈入我室真箇畏後生老大抱窮獨係望惟館甥
緬憶朱晦翁珍重戒直卿工夫貴刻苦努力勿自輕
山何一簣虧金益百鍊精男兒遠大業進就宜顧名
俛焉日孳孳高山與景行

和贈金童子詰得

秉模小字

丹穴雛鳳生斑斑毛羽奇谷泉明月夜飛鳴庭樹枝
汝年纔就傳才藝出等夷老夫疎且慵還愧施鑪錘
朝朝來問字使我拭昏眵相從四五月文几不暫離
今朝捨我歸留贈一首詩如獲驪珠寶何以答汝辭

故人佩西符托我寧馨兒所宜惜分陰千里慰親思
童年貴養正先立實地基急則小人歸勤則君子爲
持此毋敢忘常若對父師何時踏宿所山齋共下帷
辛丑上元日宿廬院有感而作奉簡李楊叟

海鷹

海東廬阜勝江山古文藻小菴傳三笑連峰對五老
遠公今安在圖經遑蹟考化作絃誦場廣開門八道
巍巍大宗師惠我光明寶恍若登隴雲摳衣供灑掃
江樓夜舒嘯驗得一氣浩滿山猿傷閑當軒雪月皓
悠悠萬古心玉溪琴獨抱吾林空寂寞有誰同惠好

一帶星湖水東望似蓬島我欲往從之桃花春尚早
廬院齋居謹次朱夫子白鹿洞韻

窈窕廬山社何年闢道場古稱魯多賢青衿斐然章
宮牆既敞豁絃誦亦恢張先師儼在上草樹猶昭光
江樓浩氣中陟降常洋洋清晨奉牲弊攝齊升黌堂
宇宙如不隔俛仰何慨慷遺書示周行服膺未敢忘
廬院會中復用白鹿洞韻奉示金泰叟岱鎮

李元叔相聖

士生鄒魯國從容禮法場儒雅二君子好古能文章
黌樓成邂逅亦足吾軍張芟苴子衣姱琳琅子佩光

抵掌河洛上千頃波汪洋把酒忽激昂歲月何堂堂
肯學燕趙客悲歌空慨慷老我資益友江湖莫相忘

復用前韻贈李君睦

彙寧

往劫何茫茫空門設法場千載道東後前修始表章
邇來絃誦絕後賢孰更張幸得夫子孫鬻舍生輝光
登樓氣浩浩臨水波洋洋吾道在此中如升闕里堂
愧余空冥適白首增慨慷爲君賦淇澳有斐終不忘
暮春初吉同星湖霽谷陶蒼諸老拏舟廬江

遊三笑舊址爲重建議也呼韻共賦

五老峰前水扁舟五老同春波正浩渺恍若超鴻濛

倚櫂南岸下巖間細逕通低平一小丘乃在峰之東
廬阜名最好曾有釋子宮我思古之人陶翁與遠公
三笑風流伴千秋畫圖中荒墟猿鳥愁往蹟雲水空
誰哉更起廢曠世追高風張皇修楔事主盟霽谷翁
詩成屋未就寂寞山花紅寄語吾黨士無虧一簣功

次題金表兄民則

秉壽

龍巖草廬

龍岡之下藥山陰晚卜幽居愜素心閑與白鷗眠遠
浦懶驅黃犢入平林琴書壁上孤燈耿樵採巖邊細
逕深寄傲南窓無語坐羣峰繞屋簇瓊簪

次龍巖亭韻

結廬在潭上龍蟄利存身鄉黨推先進林泉見逸人
藏修幽趣足征邁晚工新尚友開黃卷千秋悅隔晨

輓金貞百

度銖

二首

爲君誦橘頌年少可爲師自有傳家學咸稱近道姿
颺名聯壁沼篤志下經帷苟假顏生壽應成久大規
憶昔過山墅頻承問寡言殘年資益友他日訪仙源
寂寞重泉掩淒涼後死存世無山斗筆誰復傳何蕃

輓柳景緝

敬文

寥落岐陽夕照斜故人消息北邙多夢中忽失高川
路玉洞烟霞鎖碧蘿

童卅肩隨若弟兄百年先誼講深情江樓月白風清
夜文酒同盟仗老成

梁山風雨鮮民悲兩世深恩證誅詞萬劫寰中桑海
變此生孤負愧情私

儒雅風流介特姿起來此世更無期善人身後何蕭
索遺恨床前失父兒

三夏漳濱病裏思碧山何處送靈輶寥寥宇宙無窮
恨猶有人間景學知

謹次從先祖副提學公玄寺韻寄三從孫

璵

簫示裴性涵

善源

金贊玉

在燦

諸友

二首

我家學士登瀛選奎壁文章嶽降神南斗百年光氣
晦後生誰復續前人

古壁紗籠先躅在雲山十里幾馳神病生無異鹽鷄
伏却羨青年負笈人

奉賀柳而立

靖祚

大夫人壽席二章

紫琳仙老降西河千歲蟠桃結子多毓慶閨門全晚
福笑看鸞鵲滿庭柯

煌煌南極映賓筵蘿栢綢繆幸有緣門外明湖流不
渴釀成春酒樂年年

次鄉序堂重修落成韻

鄒魯吾鄉教復明
屋危高出萬家城
官司佐治推輿誦
公解圖新采物情
揭壁綱條修約信
滿堂歌鼓樂昇平
朝廷視我爲根本
從此人材願作成

東園翁今年八十四歲
仰呈新曆一部仍成
近體一律以備新年祝詞

星曆新頒漢太初
東風和氣入郊墟
葭灰動處潛雷響
冀葉推時化日舒
大老遐籌添海屋
晴窓斐几讀仙書
會看川上陽和節
安樂先生動小車

輓四癡窩柳丈

詰祚

河水溶溶元氣灝
河上亭臺映文藻
光岳鍾得華國

器縹緗富有傳家寶文忠之孫宰相門賢第風儀踵
二老征邁聯床講彝倫際遇明時登俊造少試百里
三佩紱名著循良最十考氓獠戶歌詞訟簡放教鳥
鳥遊蓬島江海秋風琴鶴歸君子行藏審霽潦坐深
鄉黨靈光歸南士爭瞻訝綺皓主盟吾林修廢缺嘉
惠千秋大文藁尊師衛道誠力殫鎮物容衆言論好
柳惠之和敦溥夫醇酒醺人鵠襟抱風雨梁山昔何
年險釁殘生孤露早故人高義薄秋旻千里扶輦過
鳥道川霞二爺知此意感泣恩慈河海浩唉我未圖
絲毫報反令天子困廩倒問遺相繼書笥束不孤松

兒頑縷保玉淵亭上明月夕長擬叨陪供灑掃无妄
一疾天何意敬向北辰晨夜禱後生從今失幃幃哀
恨無緣訴穹昊慟哭青山血淚瀉地下他時願結草

輓金景述

相壽

東望白雲亭白雲何悠悠亭後白雲隴亭前白雲洲
主人乘雲氣存歿樂茲邱山禽與江鳥咳笑共千秋
也應明月夜獨來亭上遊
舉舉西泉翁休休東道主厚重如山岳沉深有城府
平生無口過言動自中矩風猷敦薄夫文獻追前武
小成何足多升沉覺有數

皎皎芙蓉衣濯之晴川水泠泠山水琴匣中絃更理
有兒傳家事有書尊樞几養病仍耽靜清福世罕比
南士爭推重須君鎮鄉里

有懷不能吐何年漢水涘哀哀肉骨恩川上五君子
險難千里共親愛一家似感泣欲柰何誓言生與死
去入無窮門相期萬八禩

雲亭肯構日詩酒會羣仙野客乘清興溯流撐小艇
倚棹風月潭光景正無邊賓主笑相視堪向畫圖傳
何時續此事回首夢蘧然

有詩償宿逋因書慰病懷朝寄赫蹄去暮驚蘭報來

祇信受氣厚那知大化催隕結恩未報踴涼恨難裁
病違千古訣東望白雲哀

敬次圃隱先生興國寺韻示同遊諸益

并小序

直鳳停寺後天燈山之東而有開目寺卽
古之興國也圃隱先生嘗讀書于此後以
詩寄安東李書記曰昔日讀書興國寺時
時魂夢到青山舊遊最憶堂頭老爲我慙
慙一往還李書記者名不傳然想是當日
同遊人也事載永嘉誌及鄭愚川錄中誠
此山稀異之蹟也其後二百餘年退陶先

生又讀書鳳停寺丙寅辭職之日封疏俟
命復遊于鳳而有西樓及鳴玉臺諸詠噫
天燈卽吾府名山也兩先生前後遊歷於
一山之內使沙門說法之場變而爲後學
瞻仰之所斯豈非天燈之大幸耶抑於此
有感焉退陶先生每遇先賢播馥之地歌
詠以張之記述以志之況其尊慕鄭先生
之道學風節尤有別焉者乎先生之累入
此山也若知圃老之遺躅在是則必將欣
然濟勝感慨彷徨其所以張皇盛美者當

在鳴玉西樓之上而今考鳳停諸作無一言及此何也意者當時興國之名湮沒圃老之詩未及壁紗而山僧亦無解說故事者故先生未之知雖累遊隔岑之地竟莫能登絕頂而訪舊蹟此則茲山之不遇而後人之深恨也昔明道程夫子與橫渠張子講論於興國寺而歎曰不知曾有甚人於此處講此事夫興國之號儒賢之蹟古今同也而更不聞有人遊此講此者庸詎非重可慨也耶仍叙所感於中者徧以示

同遊諸君子備山中古事之欠闕也時真
城李彙奎心叟豐山柳廈祚支叔西原鄭
來任衡老光山金道振兌彥韓山李秀賢
彥希上洛金養徵復彥暨著秀以退陶集
重餒事會鳳停暇日作興國之遊歲癸卯
端陽月初吉也

古壁紗籠文藻映大賢遺蹟在名山
雲林尚帶千秋恨仙鶴遼陽去不還

又成別韻以志感懷

興國何年講道歸玉溪當日抱瑤徽
山中故事沈湮

久不及陶翁更闡輝

再會鳳亭刊所又伏次先生西樓韻

南飛低鳳一枝橫
蘭若中藏洞府成
蓮社風流堪繪事
海山仙譜欲移情
爽颼時引晴嵐氣
清夢微醒曉磬聲
折桂尋真傳勝蹟
後生那敢更題名

折桂院尋真觀在廬

阜朱子嘗題名

樓外羣峰黛色橫
一區形勝畫難成
林鶯出谷流清韻
雲鶴翔空杳遠情
講道誰追興國會
抱琴遙憶王溪聲
山間石室藏詩史
還愧菲才猥托名

廬江聯句

臘月望後與柳濯叟致晴會廬院用三笑庵舊韻

歲暮江湖客，蠻樓與子同。景清遊臨爽曠，遙思入鴻

濛

濯

感古溪琴冷，沿流剡棹通。

圓

傾心曾夙昔，良會

自西東。

濯

寒水千秋月，崇阿一卧宮。

圓

真源傳百聖，

餘韻起諸公。

濯

道在宮牆內，言垂簡策中。

圓

梅窓春

信早經，室俗塵空。

濯

劇喜資麗澤，寧辭躡下風。

圓

十

年空慕道衰，鬢已成翁。

濯

晚計同清素，幽棲貌軟紅。

永言尋墜緒，從子擬收功。

濯

次三從孫驥吉元日韻

銓小字

甲辰

娟娟嶺梅早鬱鬱，澗松遲意象看來好。今年舞勺時

次王淵亭刊所韻

步上巖臺引晚涼老松叢竹列成行江山舊物亭猶在魚鳥閑情客共忘峭壁勢撐天北極危欄影入水中央遺文又繼陶書梓王澗瑤徽韻更長

輓霞溪李公

山南正氣百年回夫子家中養得來五典笙簧傳舊響七襄雲錦富新裁招旌正值崇文世支廈須求合抱材周廟升歌當解撰漢廷登對孰爭魁霜臺整笏朝儀肅金殿橫經御座陪秉志常懷堅鐵石納言寧憚犯霆雷愛君忠悃空芹曝華國文章柰草萊直道平生官獨冷高名從古鬼相猜縹緗布在圖書府

門巷深開水石隈好就靖潛消日月却將窮達付穹
隤一經遠勝金籙富五子爭如玉樹培信筆他時輝
簡策豐碑幾處琢瓊瑰山間歲暮青袍薄天上樓成
白玉催高舉雲軒凌曠漠俯看寰宇漲氛埃故人樨
子攀輶哭孤露餘生沒世哀共甲深情徵古道薄雲
高義誦輿儻忍言千里扶歸櫬還愧新阡舉賀杯負
德辜恩天地老桐花深處鎖泉臺公嘗以長篇古詩
寄著秀茅亭末段

云從今庶瞑吾友目為向新阡賀酒
斟小子哽咽不能讀於此略及之

次清心臺韻贈裴性涵

山間玉蘊暗生輝占得巖臺倚翠微歌和滄浪堪滌

慮盟深鷗鷺共忘機
藏修可踵前人躅
標榜何嫌俗士譏
老我多慚胸吝積
膏車秣馬願同歸

柳婿來留讀易迫歲告歸不勝悵悵口呼絕
句以贈之

河洛圖中萬理該
洞然三極易門開
始知邵老真豪士
鞭駕風霆獨往來

冰翁玉婿一般清
來守寒齋儘有情
萬事皆從辛苦得
請君看取困中亨

窮經白首愧無知
強向諸生說夢癡
古聖微言如指掌
君歸研究有餘師

山庭憔悴臘梅花月依然未濟時笑說江城春信
近浴沂佳節有前期

次贈族弟德雍

邁秀

寥落山齋倚夕陽蕭蕭短髮覺心長徘徊宇宙增悽
愴倚仗門闌幾老蒼百歲蘧廬頻聚散一家花樹共
暄涼吾儕却歎鳩謀拙安得同居洛社傍

輓李伯慎

中敏

春風起大陸萬彙含生意端居感物化爲誰潛我淚
迢迢隴雲邊林下陰蒼翠山梅應已發胡不一枝寄
伯慎無消息厚夜成大寐天地空搔首浮生如隙駒

不信放達語彭殤倘一致黯黯想君容吐吐悲君志
君家有寶匣聲響猶未墜弱冠見大義蜀豪性所嗜
矢括方志鶚王琢可成器滔滔末流中得此信不易
天翁年苟假老生席當避念余棲澗谷君平世所棄
世棄君獨取好我一何摯匪直敦戚端謬欲資道誼
對榻多警發因風惠文字要眇周圖說精深思傳義
問寡諒多感妄言還可愧棲澗有先躅早晚成塗墜
秉筆豈無人屬余以爲記投轅未得發永夜客忘睡
此真千古訣誰知死生事環家列三殯奇禍世罕比
吾黨共吞聲行路亦酸鼻尊翁疊巨創慘毒增憔悴

哀哀未亡人晨夜獨主饋皇天豈不仁鬼物還多忌
君歸且勿恨來復在君穉青山少年塚從古已纍纍
世無山斗文誰爲元賓誌和淚題輓語東風寄一喟

四友壇記事

并小序

四友壇者石門先生所築也世遠圯廢鄭
君原章

仁睦

改新之嘗請梅菊二友於余

余樂而分園栽數根以寄之今來先叩二
友平安徘徊壇上恍然如見故人也倘有
數叢篁新植自陶山來此君尤可愛玩也
遂詠梅菊繼以竹君成二章而松則包在

其中蒼髯子想領得此意也

燦燦籬下菊娟娟窓外梅君何此山中曾自谷泉來
我來問平安巡簷眼忽開文藻臨川宅新叢繞池臺
主人有雅趣愛爾勤栽培松篁儼相持霜雪詎能催
重賀爾得所休憶洛江隈異時山外客花邊更把盃
萬古陶山社昭光映草木有斐終不諼愛此淇園竹
好事林泉子移根更封植殘叢細如縷恐被嚴霜厄
辛勤保貞姿不負歲寒約鳳棲將食實龍蟠可抽簪
肯學爭梅柳好是隣松菊池臺倍生色賴爾人不俗

輓權聖能

載綸

山人無俗氣秋月映冰壺天賦慈良性家傳謹厚謨
咀英摘綵藻蹈矩恥纖趨響阻鳴皋鶴光沈媚澤珠
東坡堪食硯南郭肯吹竽瓢飲心逾泰巢居計似迂
劬書悅芻豢炳燭惜桑榆草野文章富鄉鄰信義孚
瘦生憐杜老歡侍賀徐雖我有知音感君如逐臭夫
亟稱同拙法深勗味真腴石壑呼朋酒巖亭繫客駒
百年難再得三夜極歡娛雅韻分瓊佩長牋警朽株
人生如過客天意柰吾徒酒館殘書冷松庄舊逕蕪
親知餘白髮仙馭杳玄都慟念人如玉青山愧東芻

次贈柳殷老

衡鎮

淡水心期托歲寒百年湖海好收竿衰顏益切逢春

感離索偏知見客歡山野高情詩滿橐歲時餘瀝酒

登盤下交欲得逢麻益不獨之他取友端著膏推數云魚不餌

好收竿每念之自笑今殷老之晚而無成亦恐不免為收竿之徒故戲及之

同柳德膺信祚金祈老友善暨霽谷兄宿鷗

亭謹次板上韻

杖屨前川過何曾學少年小車追邵老仙譜憶成連

詩就分瓊佩樓高泛畫舸臨歧留後約秋月二江邊

金童子詰得金景達浩永小字三從孫驥吉

拈韻聯句意致可嘉足其下以勗之

夜聽洛生吟秋光晚更美巖臺霽月升江海涼風起
歲色催跋傷天行轉磨蟻童遊最可娛朋輩好相倚
解佩瓊琚投聯床鸞鵲峙摘星楊大年詠竹高千里
竚看扶搖翰圖南大海徙

贈金詰得

秋荒澗谷石生苔屏跡窮廬白髮顏喚起主翁深發
省朝朝竹牖爲君開

宗祖虞書首一欽燦然三八日星森乃家自有屏銘
訣須向誠關正脉尋

明誠凝道示門路入處先從五弗措已百已千牢著

跟卷中賢聖對朝暮

靜中吟

巷僻是音斷山虛夜色明
靜中藏萬籟天地寂無聲

輓柳文德老

碩祚

風流德義繼前徽冠冕高門老
布衣花樹堂中春酒熟釀成和氣一家肥

偕老琴床樂未央笑看雛鳳列成行
子翁預卜門閭大文藝斤斤奉義方

未信仁人壽祿全沈沈二豎奄經年
癡翁已古公乘化他日傷心過玉淵

輓柳淳夫道明

皎皎子衣袴，鞞鞞子佩長。
宛濯明河水，文藻繼前光。
鋪攤圖書府，從容翰墨場。
遜志全淳慤，論文見大方。
恨我知君晚，芝眉儼老蒼。
後生真可畏，吾軍亦足張。
名門乘泰運，羣鳳正翱翔。
君何獨抱冤，去作修文郎。
彩服辭庭闈，殘書掩縹緗。
聞說賢兒在穹林，擢椽樟。
往復元常理，延吳莫深傷。

輓淨友軒族兄定秀

洛園文藻宅，噲噲門閭大。
鸞花兼富貴，山水作襟帶。
中開淨友軒，碧沼對荷蓋。
深深屋後亭，先躅猶未沫。

倚筇聽泉響移席延林籟好客輪蹄湊敦宗花樹會
笑看庭梧上雙雙雛鳳翽篤倫肥家道春噓子諒藹
供甘居養厚習靜心神泰不恨老布韋平生福未艾
如何捨此樂脫屣遊寰外但見過軸地朝烟與暮靄
兩家夾一澗鄰好傳三世花樹連門巷叢竹互軒砌
孤蒙閱萬劫那復見盛際泮泮谷泉中晚乏資身計
傾困輸悃悞愛少忘年歲飲以百花釀興言更勉勵
子弟憂輕俊門闌懼衰替功名何足道先行後文藝
諄諄托敦學才術愧不逮說與東里翁招呼擬共濟
媿媿病中語感念增我涕滿塘春草綠重悲白首第

輓張木川省伯

錫愚

巨廈飄搖一木支
妙年聲譽國人知
因衡增益多心得
持守平生謹厚規

天眷名門降鶴書
碧山徵士佩銅魚
士元百里才何展
還怕羊腸易敗車

聞名初載已知心
十襲情書意寄深
更感輪蹄窮巷過
一言珍重頂門針

贈示鍾泰璫

時鍾泰讀心經璫去年讀是書故俱勉之

心學單方載是書
障川之柱指南車
古人開示明如日
體認平生用有餘

英才美質匪無人役志時文喪本真理義功名趣舍
別須知內主外爲賓
說與諸生屢發端何人信向著心看俗儒鮮識無窮
味枉道斯書得力難

輓金文穉寧

康壽

儒雅家謨謹拙心一身康濟老丘林山翁野叟欣爭
席村酒醇濃古意深
山人本色飲瓢清自守平生介石貞繞膝兒孫能學
字一經遺後勝金籛

輓柳京老

箕鎮

早入芝蘭室追遊伯仲間同衰悲白髮妙契扣玄關
照膽交如水知音志在山經床風雨夜嗚咽棣華殘
六月初吉以北亭集剡厠事會鷗亭留數旬

拈賦集中韻

山亭文藻洞天深洛下爭傳謝老吟鉛槧却嫌蠹管
小巾箱還怕蠹魚侵聯芳十世徵家學餒梓三旬慰
孝心好看詩風昭代採百年球瑟振瓌林

次彰烈祠移建韻

六賢遺傳淚英雄江海東流繞越宮扶植綱常增士
氣褒崇義烈證天公丹溪古宅滄桑後青史令名宇

宙中莫道斯丘非畏壘永令吾黨想高風

輓鄭濟老

仁壽

名家世獻質兼文收拾青氈用意勤
盡室樓山娛晚景悠然高卧隴頭雲

平居自守志謙撝不肯隨人媚蠟
梔東道親朋爭慕義一堂醇酒醉深
危

寒食東風獨掩扃落花啼鳥惱春情
東山百里違相送千古深慚范巨卿

敬堂張先生輓

遷厝時

陶山正脉再傳來功大斯文任繼開
心法程門宗一

敬教條湖學育羣材混元圖象徵遺篋光霽精神想
古臺畏壘歸然仙馭返地中消息動寒灰

輓李文光壁

星湖一帶淨無塵儒雅清修獨保真鄉社風流推大
老法家文獻證前人因心篤友聯三棣好德康寧享
九旬古道沈淪先契盡哭歸雲谷更傷神

次再從弟亨

進彙秀

冬至吟見示二首

君子體乾道靜觀昭曠原虛中探理窟復處見天根
次第千門闢循環一氣存閉關要晦養幽妙正難言
洪勻運萬化冥默何言哉翕戶潛雷動晴窓暖旭回

撫渾醜寸管點易對寒梅這裏天心見生生一理該
族弟德雍棲福川有書寄來述其意以三絕

答之

川流不息逝如斯遙想心齋玩樂時
滢澈冰壺無點滓一般清意暗相知

丌上遺經對聖師指南吾道道無歧
試看活潑天機妙寧把身心死法持

寥落山間獨守齋百源清夜聘遐懷
社中子弟多英妙從事閑中志尚佳

輓李文

崇延

文獻徵華閥風標迥俗曹詞優充漢貢材合齒周髦
落拓拋書劔低仰恥桔槔任真頤養足高枕卧東臯
海屋添遐算琴床對壽毛舉觴酬極宿剪燭宴重牢
豈弟神逾旺軒昂氣更豪東吳真達識結子待仙桃
共甲敦先誼源源几杖操催賡燈夕詠藏待歲時醪
鄰里風流足山林氣義高養生承寶訣珍重贈金膏
頻視人寰窄謬悠雜笑嘲鸞驂凌曠漠螟嗣奉君蒿
香社前塵邈豐城寶彩韜孤蒙偏感舊灑淚北風饕

輓權昌燮

宇宙呀然發長嘯萬事人間不滿笑俯看俗物徒紛

紛烟火城中號萬竅詩豪不學啁秋響仙老冥觀造化妙所以冒笑窩中翁齊視升沈與慶吊郭外青山高處卧射斗奇氣藏深鞘恥作桔槔低復仰不患今時知者少隱几自擬東郭綦欵枕緬憶空樓邵一醉一笑皆出性花傷烟雲富詩料好是新知忘年數流水高山解古調且期共入無窮門願乞金丹宿病療九臺龜床仙夢酣也應玉京緋衣召蛻骨塵寰超九垓滅影寥天凌兩曜千載遼陽消息杳寡鶴一聲雲間叫蓮社楔飲違宿約落日西門空遠眺

己酉立春日述感懷一絕示柳士行

窮廬虛作六旬翁志業荒頽髮似蓬羨爾芳年前路
遑好從新歲著新功

用沈隱侯韻奉呈東園丈人行軒

二首

我家先生至江樓好會期南湖雨霽後東郭月明時
星聚高陽里賢兒几杖持孤蒙提挈地應軫故人思
豈第東園老何如榮啓期炳燭觀書暇臨池灑墨時
精力猶康健神明正護持年年成此會聊慰後生思

西岳寺用前韻

江榭移文几雲臺更好期林泉資晚景花鳥樂明時
撰杖携仙侶煎茶喚住持香山傳勝事詩畫古人思

又拈七言近體一律求和

郭外青山景物嘉
野天西望白雲多
岑樓對峙將軍廟
樵逕斜通惠遠家
暇日肩輿乘晚興
終宵醉客任狂歌
故人穉子陪遊樂
祇祝仙籌海屋加

更用別韻求和

南國喬松降仙籌
問幾齡風標聯玉麈
詩畫展雲屏穩
卧香生榻危登月滿櫺
湖樓明日約取次小車停

又拈七言絕句

三日清遊借佛寮
仙翁寶訣問參寥
曉來靈雨山窓灑
還勝江樓玩月宵

輓金昌老

周壽

芝厓

并小序

癸卯

往年秋重陽余有事留陶淵而聞故人入
地不遠客中草輓詩四章將欲相引緋之
謳適值國恤未果千古之恨也追後寫
呈烏足以洩舊遊之感耶

南渡臨川問舊遊故人消息夜臺幽苔深古巷山河
邈春草塘邊滿目秋

篤友春津對幔幃釀成和氣一家肥每令人客醇醪
醉談笑天真不見機

傳家經學卽留畬種玉藍田手自鋤何不桑榆收晚

景坐看于氏大門閭

陶淵遊屐趁重陽鷄黍佳期憶范張我欲登高君不
待獨將萸菊淚添觴

慕亭先生文集卷之二

并序

卷之二





